

Lòt Chwa pou Sispann Gwosès

Gen sèvis swen sante ki disponib nan eta Florid pou fanm ansent yo pandan gwosès ak akouchman yo. Gen èd ki disponib tou pou swen tibebe a. Tout sèvis yo se sèvis yo bay an sekre.

FAMILY HEALTH LINE Si yon fanm ansent gen pwoblèm pou jwenn swen sante pou tèt li ak pou tibebe li, fanm sa a kapab rele Family Health Line (ki te rele Healthy Baby Hotline anvan). Nimewo sa a se yon nimewo pou rele gratis toupatou nan eta a.

1-800-451-BABY (2229), Lendi-Vandredi, 8:00 a.m.-11:00 p.m., Fizo Orè Lès; Samdi ak Dimanch, 10:30 a.m.-6:30 p.m., Fizo Orè Lès.

MEDICAID Fanm ki bezwen èd finansye pou resewa swen avan-akouchman kapab kontakte depatman sante lokal yo pou yon evalyasyon sou kalifikasyon yo ak aplikasyon pou Medicaid: **www.doh.state.fl.us/chdsitelist.htm**.

Medicaid peye pou swen avan-akouchman ak akouchman, swen tibebe, swen apre-akouchman, ak sèvis planing familyal pou fanm k ap viv avèk revni limite. Pou jwenn plis enfòmasyon, ale sou sit wèb ACCESS Florid nan **www.dcf.state.fl.us/ess/**, oswa kontakte Biwo lokal Sèvis Ekonomik Depatman Timoun ak Fanmi: **www.dcf.state.fl.us/programs/access/medicaid.shtml**.

PWOGRAM ADOPSYON FLORID Sant Enfòmasyon sou Adopsyon Florid bay non ajans adopsyon lokal ki gen lisans yo, gwoup sipò yo, sèvis konsèy yo, ak kay ki gen matènite yo. Pou jwenn plis enfòmasyon, kontakte Sant Enfòmasyon Adopsyon Florid: **1-800-96-ADOPT (1-800-962-3678)**, oswa **deyò Florid, 1-904-353-0679**; Lendi-Vandredi, 8:00 a.m.-5:00 p.m., Fizo Orè Lès; **www.adoptflorida.com**.

HEALTHY START Fanm ansent ak tibebe ki nan risk pou gen pwoblèm posib kalifye pou Healthy Start, yon pwogram ki ede fanm ansent yo ak tibebe yo resewa sèvis ak sipò ki ka gen ladan:

- Swen avan-akouchman ak planing familyal
- Konsèy nan sante mantal
- Edikasyon sou akouchman ak sou fason pou edike timoun
- Sispann fimèn
- Konsèy/rekòmasyon pou abi estipefyan
- Rekòmasyon pou sèvis espesyalize ak lòt sèvis sou baz endividyèl

Pou jwenn enfòmasyon sou Healthy Start, ale nan sit wèb **www.healthystartflorida.com/directory.asp**.

Devlopman Tibebe nan Vant Manman ak Lòt Chwa pou Sispann yon Gwosès



Devlopman Nòminal Tibebe nan Vant Manman

SEMÈN FÒMASYON: Dire tan ki pase depi lè ou gen dènnye règ ou.

KONSEPSYON (FEKONDASYON): Lè espèm yon gason fekonde ze yon fanm.

OVIL: Peryòd ki ant fekonstasyon an jiska a peprè 3 semèn.


ANBRIYON: Peryòd ant twa (3) semèn apre fekonstasyon an ak 8 semèn.

FETIS: Peryòd ant 8 semèn apre fekonstasyon ak akouchman an.

FÒMASYON NAN 4-5 SEMÈN

Jiska 3 semèn apre fekonstasyon.

- Nan 1 semèn fekonstasyon, ze a (ovil) kòmanse separe ak devlope rapidman.
- Ovil nòminal la genyen 46 kwomozòm (23 nan chak paran).
- Ovil la antre nan matris manman an nan 7-9 jou apre fekonstasyon an.
- Nan 17yèm jou a, san sikile nan mitan veso sangen anbriyon an ak plasanta a.



FÒMASYON NAN 8 SEMÈN

6 semèn apre fekonstasyon.

- Anbriyon an mezire 1 pous nan longè, epi li peze mwens pase 1 ons.
- Kè a fòmè nèt.
- Dwèt yo, zòtèy yo, zòrèy yo, popyè yo ak lè v siperiyè a fòmè.



FÒMASYON NAN 12 SEMÈN

10 semèn apre fekonstasyon.

- Kounye a, fetis la mezire 2½-3 pous nan longè, epi li peze a peprè yon ons.
- Fetis la devlope po, zong men, zong pye, ak premye ti boujon dan yo.
- Zo fetis la kòmanse parèt, epi fetis la fè ti mouvman nòminal kounye a.
- Ren fetis la kòmanse pwodui pipi.
- Estimilis lokal yo kapab plise zye, louvri bouch ak koube zòtèy yo.



NAN 6 SEMÈN FÒMASYON 4 semèn apre fekonstasyon.

- Anbriyon an mezire a peprè ¼ pous nan longè.
- Ti bout bra ak janm ap devlope.
- Tib neral la kòmanse fòmè; sa vin sèvo a ak mwèl epinyè a.
- Kè a ak poumon yo kòmanse fòmè.
- Kè a kòmanse bat nan 22yèm jou a.



FÒMASYON NAN 16 SEMÈN

14 semèn apre fekonstasyon.

- Kounye a, fetis la mezire a peprè 5 pous nan longè, epi li peze ant 4-5 ons.
- Kounye a, fetis la kapab bay ti koutpye ak vale.
- Po fetis la woz ak transparan.
- Respirasyon fèt nòmalmman.



FÒMASYON NAN 20 SEMÈN

18 semèn apre fekonstasyon.

- Fetis la mezire a peprè 6 pous nan longè, epi li peze ½-1 liv.
- Po fetis la mwen transparan, epi cheve fen kouvri kò a ak tèt la kounye a.
- Fetis la anmezi pou vire ak fè piwèt, epi li anmezi pou fè peryòd aktivite ak dòmi.



FÒMASYON NAN 24 SEMÈN

22 semèn apre fekonstasyon.

- Fetis la mezire a peprè 7-8 pous nan longè, epi li peze ½-2 liv.
- Po fetis la sanble gen rid ak koule wouj.
- Aktivite fetis la ogmante avèk koutpye ak mouvman ki pi fò.
- Zye yo prèske fòmè nèt avèk sousi ak sil ki prezan.



FÒMASYON NAN 28 SEMÈN

26 semèn apre fekonstasyon.

- Fetis la mezire a peprè 10 pous nan longè, epi li peze 2½ liv.
- Kounye a, fetis la kapab louvri ak fèmen zye li, reyaji nan limyè ak son, epitou li kapab souse dwèt pous li.
- Fetis la kapab bay ti koutpye ki fò, epi li kapab woule toutotou.



FÒMASYON NAN 32 SEMÈN

30 semèn apre fekonstasyon.

- Fetis la mezire a peprè 11 pous nan longè, epi li peze 3-4 liv.
- Zong men yo devlope nèt.
- Kounye a, po fetis la woz ak lis.



FÒMASYON NAN 36 SEMÈN

34 semèn apre fekonstasyon.

- Fetis la devlope pou vin mezire 12-13 pous nan longè, epi li peze 5-6 liv.
- Zong pye yo fòmè nèt.
- Grès kò a ap ogmante.



FÒMASYON NAN 40 SEMÈN

38 semèn apre fekonstasyon.

- Kounye a, fetis la konsidere tankou yon fetis ki atèm.
- Longè mwayen an se 19-21 pous, epi pwa kò a ka ant 6 ak 9 liv.

